

葛樵溪續龍文鞭影

署袁金鑑

校印續龍文鞭影序

續龍文鞭影一書。復縣葛樵溪先生

秦源

之所著也。先生原名人龍。恩貢生。舉孝

廉方正。學問淵博。工詩古文辭。不僅以帖括見長。曾主吾遼襄平書院講席。光緒

癸巳鄉試。

金鎧

由省垣回遼。應賓興試。繼考書院齋課。荷先生首獎之。比以行色

匆匆。未及拜謁。甚覺歉然。近年網羅東北文獻。意先生必有著述。乃囑董蘊珊大

令

毓基

訪諸其家。得續龍文鞭影一書。乃先生就廣輿記。事類統編兩書。鎔鑄而

成。造語精警。對仗工鍊。其表章前人處。推崇名節。景慕賢豪。尤具牖世覺人深意。

爰爲付印。以廣流傳。間亦附以批語。引起讀者注意。先生以老儒終其身。沒世後

家境窘迫。子孫有凍餒之虞。不爲表章。將歸湮沒。且恐此編以無人愛惜之故。亦

將埋沒故帙堆中。與灰塵同腐。豈不孤作者之苦心耶。縣志載先生著作宏富。其

他詩文著作。當有存者。其子允爲搜輯。更當傳以問世。庶慰先生於冥漠中乎。癸酉重陽日。識於傭廬。後學袁金鎧謹序。

續龍文鞭影卷一

復縣 葛泰源 樵溪 著

一東

康齋道學

叔正神童

規條張汝

怙恃褚嵩

白昂霜棘

黃哲雪蓬

文奎稿紙

許穀錢筭

役均一敬

坊定三同

上知斬貴

幹懼劉窮

一廣輿記

以下只稱記

吳與弼。溥子。八歲侍親遊京師。從楊溥學。見伊洛淵源。輒有

聖賢亦猶人耳。欲學則學之矣。只問立志何如耳。

尚友之志。以聖賢爲必可師。收斂身心。倡鳴道學。天順間。聘至。授左諭德。力辭歸。學者稱爲康齋先生。

一記。李叔正。字克正。靖安人。穎異。善記。年十二。以能詩聞。人呼爲神童。及長。博

多栽桃李
少種荆棘
有德者之
言亦種福
之基也

通諸子百家言。江西十才子。叔正其一也。仕至禮部尙書。

目記。上饒教諭。恬雅鎮靜。有古人風。語後進必先器識。校文主理勝。規條嚴密。而人無間言。

四事類統編。以下只稱編褚嵩。華亭人。嘉靖中。知石阡府。除豪橫。濟貧乏。課士有方。

及去。部民如失怙恃。

五記。白昂。字廷儀。武進人。初登進士。候胡忠安。問處世之要。忠安曰。多栽桃李。少種荆棘。昂生平氣溫色愉。言出惟恐傷人。仕至刑部尙書。斷獄不苛。嘗曰。秋霜之肅。何如春陽之和。佩其言若終身焉。

六編。黃哲。番禺人。少孤。好學。才名日播。官翰林待制。學者呼雪蓬先生。

七記。崔文奎。河南副使。往例追罰大戶紙供。奎除之。吏告紙乏。命取舊冊覆之。

此居鄉里
之常法凡
爲鄉紳宜
知此義

爲稿。省十之七。奎旣廉約。詳於計算。吏胥無以售奸。日夕祝其遷去。而不怨其嚴。

八記。許穀。字仲貽。上元人。以尙寶卿致仕。巖居二十年。不通一字於當路。顯貴造門。不一報謝。曰。此鄉前輩里居之法。不敢變也。以賦詠自娛。所得賣文錢。投竹箒中。客至探取之。沽酒酬唱。寒暑不倦。

九編。張一敬。朝城人。隆慶間。知鄉寧縣。精明強毅。均役清田。爲一時循吏冠。

十編。張三同。直隸阜城人。洪武初。潞州同知。以勤恪著。創州治。脩廟學。定在城二十四坊。尤加意作人。多治績。

十一記。靳貴。字充道。丹徒人。仕爲大學士。當武宗爲太子。貴爲講官。獨指貴問左右曰。非靳先生耶。在內閣時。權奸竊柄。動搖國是。貴常悒悒。及告歸。武宗南巡。

幸其第。親臨其喪。受知於上如此。

○記。劉璽。字廷信。龍驤衛人。少業儒。長襲世職。居官廉潔。初分閩江右。計廩而食。妻子布衣不完。人呼爲青菜劉。或呼爲劉窮。繼推總漕運。上識其名。喜曰。是劉窮耶。可其奏。時權奸率以貨脇總漕。領俵各船。而倍責其息。璽乃預置一棺於舟。右手持劍。左手招權奸諸幹。言若犯吾禁。吾殺汝。卽自殺臥棺中。以明若輩之害吾軍也。其人懼而退。運困以蘇。

二冬

席擒三虎

汪舉二龍

鹿萍留蜀

鵬舉鞠蜂

二泉眞士

元玉小農

學官龔簪

駕部林雍

王思祖柏

呂克明松

正音蘇大

教授蔡庸

一記。席書。巡撫湖廣。擒奸豪。號三虎者。民害以除。

二記。太平。汪宗器。與兄宗禮。先後舉進士。時稱二龍。

三記。陳睿謨。號鹿萍。武進人。拜御史。按蜀時。魏璫熾燄。諸省建祠紛紛。川撫某言於睿謨。睿謨正色卻之。乃疏言留蜀中一塊乾淨土與皇上。璫怒。調外備兵禹州。創建潁濱書院。集士講學。尋巡撫偏沅。平臨藍寇李荊楚。廖天一。等之亂。全楚得安。著有南征記。

四記。萬鵬舉。萬安縣丞。廉平勤政。時有民婦訴其夫及五子。皆爲人謀殺。毀滅其屍。鵬舉虔禱於神。一日有五蜂旋繞行幕。鵬舉曰。汝若真魂。宜前飛引。蜂徑臨掩骸處。得衣帶上所繫買布數人名姓。推鞠之。遂獲謀殺者。

五記。邵寶。字國賢。無錫人。貞介夙成。歷仕有清譽。常曰。願爲眞士夫。不願爲假

假道學便
是鄉愿最

道學終禮部尙書諡文莊。學者稱爲二泉先生。

六記金琮。字元玉。嘗遊浙之赤城山。徘徊不忍去。因號赤城小農。居常遐嘯清視。人莫能窺。處已接物。高簡粹白。與史癡翁稱金陵二隱。

七記龔簪。字叔言。資性兼人。幼讀太史公書。未弔歲。盡卷不錯一字。時郡守推選奇才。貢京師。授岳州學正。未幾陞爲府。簪詣闕候調。與守偕見上。上問守民情物力。守震懼莫能對。簪代守條對甚悉。上曰。是官何爲者。曰。臣岳州學官也。上曰。此可給事朕庭。遂拜兵科給事中。

八編林雍。字萬容。龍溪人。景泰進士。授行人。成化初。上疏勸修德親賢講學。請進周程朱子於顏曾思孟之後。不報。歷駕部郎中。乞歸。脩藍田鄉約。與鄉人規勸。學者稱爲蒙菴先生。

九記王思祖。安州同知。後改州爲縣。遂轉知縣。爲政公平。撫民寬厚。經營學校。壇廟。植柏數十章。至今民覩其樹而思之。

十記呂昭。字克明。爲浦城縣丞。浦多蕪地。民貧不能耕作。昭捐俸給種。使民雜治之。期年。田野盡闢。民爲植雙松於庭。且歌之。文皇詔求賢吏。監司上其治行。乃超知沁州。臨行。父老持金相贈。昭曰。吾無劉寵之愛。敢爲父老留一錢哉。卻不納。甫抵杭。已無買舟資矣。

十一記蘇大。字景元。休寧人。嘗輯新安文粹。採國朝人歌詩。爲皇明正音。

十二記蔡庸。字惟中。越人。家貧教授。與唐之淳。鎰績。毛鉉。並以詩名。時稱唐鎰。毛蔡。

三江

原注玘有
紅江二音
韻府兼收
入江時韻
專收東韻

馮琦北海

鎰績西江

民歌嚴琥

邑便宋玘

賜衣悅趙

築室稱龐

時珍鐵板

希範綺窗

戴仁裁羨

忠惠招降

定規顧珀

安堵陸瑯

○記馮琦字用韞臨朐人曾祖裕舉進士四子惟健惟敏惟訥惟重相繼取科第皆有才名琦則惟重孫也服習舊學早入史館以讀書汲古爲能事所著有北海集卒諡文敏

○記鎰績字孟熙山陰人教授鄉里不干仕進署賣文榜於門有所得輒市酒樂賓客緣手而盡嘗有客至呼名久不出怪而窺之方拾破紙以代薪爇家有西江草堂人稱西江先生

○編嚴琥開縣人成化末爲高州同知時石城信宜二縣人飢民多流亡琥捐

俸賑濟。化州吳川等縣歲採礦鐵。民苦賠補。無敢言者。琥力請停止。民歌曰。生我慈母。活我嚴父。

四記。宋玘。知南雄府。邑苦輸納之遠。遂條陳其情。悉爲存留。百姓便之。

五記。趙好德。字秉彝。汝陽人。仕至吏部尙書。銓衡秉公。甚稱上旨。嘗召至內殿。與四輔官共論治道。太祖悅。賜衣一襲。命畫史圖其像。

六編。龐嵩。南海人。官刑曹郎。擢守曲靖。年五十歸。從湛若水築室西樵。學者翕然誠服。稱弼唐先生。所著有太極解。圖書解。弼唐遺言。

七編。李柰。字時珍。蒙陰人。宣德中進士。由行人授御史。不避權要。尤惡貪暴。人號鐵板李御史。

八記。安希范。字我素。無錫人。仕南吏部主政。以昌言削籍歸。杜門不出。出則乘

裁羨難能
不暴前人
之短則尤
難此詣未
易到也

一舫。圖陶元亮。張季鷹。蘇端明。米南宮。諸名賢於綺窗。爲煙水伴。恣其所之。樂而忘返。

九編。戴仁。太和人。成化中。知鎮遠府。府有羨稅四千餘金。仁裁罷。亦不白於上官。人問之。曰。暴前人之短。非吾心也。

十編。楊忠惠。和曲人。寄學雲南府。嘉靖中。鳳繼祖之亂。軍門議遣人招降。無敢前者。忠惠承委卽行。爲賊所害。甚見激烈。

十一記。顧珀。以副使整飭威茂二州。修理城堡。召募武勇。彈壓羌夷。又募民鑿石坎。開大衢。便商往來。土番來貢。設會館處之。令夷人釋刀易馬。始入郭。民免毒擾。後守爲定規。

十二記。陸埤。知常德。時鼎建三殿。木運孔棘。部使乘勢爲奸。埤爲陰折其非。屬路

賴以安堵。

四支

黃令陶瓦

韓止燒磁

世隆報父

平表乞師

于中黃鶴

彥實白龜

稚欽童子

恩澤男兒

飛卿藝菊

安國原芝

王鴻漸曲

丁鶴年詩

○記黃宗載。以御史按交趾。威惠並著。交趾營房。皆覆茅。多火。宗載令屬吏伐材陶瓦。不半年。房皆覆瓦。火患遂息。

○記韓邦問。弘治間。巡撫江西。時遣中使燒造供御磁器。邦問力言小民彫敝之狀可憫。先王恭儉之節當師。上爲感動。中止。

○編李世隆。永和人。父善。宏治中。歲貢。流寇至。邑治失守。善拒賊力戰死。世隆

與弟世奇亦被難。垂死復甦。追賊至臨汾。獲之。寸磔以報父。事聞。特旌義士。

四編、胡平表。雲南臨安人。歷忠州判官。天啟元年。樊龍陷重慶。平表縋城下。詣石柱土官秦良玉。乞師。號泣不食飲者五日。良玉爲發兵。巡撫朱燮元檄平表監其軍。

五記、于中。字子正。全州人。以學行稱。辟授御史。立朝彈劾不避。因忤旨。謫爲河南歸厚縣丞。所著有黃鶴山樵集。

六編、楊名。字彥實。橫州人。永樂中。舉鄉薦。性至孝。父喪。哀毀逾禮。既葬。廬於墓側三年。時有白龜出於廬次。人以爲孝感。

七記、王廷陳。字稚欽。黃岡人。穎慧絕倫。髫年爲童子戲。父杖之曰。大人奈何虐海內名士。入翰林。左遷裕州。罷職歸。益自放廢。時衣紅紵窄衫。騎牛跨馬。嘯歌。

田野間。不交達官貴人。顧璘撫楚。願見之。不可得。使人劫其狎客。以計掩之。始強具賓主。遂定交焉。

八編。劉恩澤。扶溝舉人。慷慨能任事。崇禎中。賊來逼。衆議城守。而縣令駭不解事。恩澤蹶起痛哭曰。我不幸從汝曹木偶而死。自題樓壁曰。千古綱常事。男兒肯讓人。城陷。墜樓而死。

九記。袁翼。字飛卿。吳縣人。舉於鄉。以母病。不赴。逡巡三十年。深藏不出。嘗曰。吾於世萬事可捐。惟讀書藝菊。不能忘情。

十編。張孝祥。字安國。烏江人。廷試第一。授秘書省正字。芝生太廟。孝祥獻文曰。原芝。以大本未立爲言。乞早定大計。累官顯謨閣直學士。

十一記。王磐。字鴻漸。高郵人。著西樓樂府。與金陵陳大匡。同邑蔣綰。並爲南曲之

冠。

②記、丁鶴年。其先西域人。元末隨父兄遊宦。寓居武昌之西山。博學能文。尤長於詩。性耿介。不混塵俗。年九十。終於家。

五微

德卿紫袷

楨伯青衣

況鍾乘傳

錢鏞突圍

甘瑛革暴

徐綬賑饑

金濂志操

石永風威

鑛鈞奉訓

輿輅聯輝

興修白玉

矜式朱璣

①記、黃道月。字德卿。合肥人。工文詞。好擊劍。官中書舍人。嘗偕友遊西山。道月岸幘。衣半臂紫袷衣。坐連錢驄馬。挾彈彈飛鳥。應手而落。遊人從之如雲。卽以烏犢遊人爲之語曰。得山禽。從舍人。

行爲曠達
不必取法